

## पावलरे कलस्सिहाऱ हाक्तुसिबा सक्इङ्घङ् निःसुम्

कङ्ग पावलरे कलस्सि येक्यक्कोबा सेसेहुप्लक्को केवाऱबा नसानिबाहाऱ हाक्तुसिबा सक्इङ्घङ्लो॥ कन् सेसेहुप्लक्किन् पावलरे हेःक्तुबा मेःन्लो, हेक्केसाङ् कन् येक्यक्किन् खुनेऱ याःक्तेबा लाजेऱइल्ले कुबेसाङ् नेस्सेआङ् खेन् सेसेहुप्लक्किन् कम्ब्राङ् मेप्पा आबाडेआङ् लक्पेन्साबा चोःक्का लऱरिक्निङ्वाऱ इःत्तुआङ् वयेरो॥ कन् सेसेहुप्लक्को माङ्सेवा चोःक्से पावलरे मनाहाऱ एफिसस येक्यक्कलाम् पाङ्घुसिआङ् वयेरो॥ कलस्सिबा सेसेहुप्लक्को इङ्लेक्पा सिक्साम्बाहाऱे निङ्वाऱफुमाङ्ङिन् कुसिङ्निःप्पा नु सेक्खाए सेन्लप् खोःमारे “याम्साम्मिल्लेन्हाङ्ग्युक्पेन्नु मुक्साम्हाऱ” सेवा चोःक्मासि पोःङ् लऱरिक् नसानिबाहाऱ साक्केल्लेक्को मेधासुसिआङ् मेवयेरो॥ हेक्केरक् मेःन्, कर खेङ्हाऱरेग हर्दे हेक्का पोःङ्, चामा थुङ्माओआङ् अक्तङ्बा थिम्हाऱ इःप्पा नाःप्पा पोःङ् लऱरिक् खुनिऱ निसाम्हाऱ मेहुऱरुसिआङ् मेवयेरो॥

हेक्तङ्बा निसाम्हाऱग सेक्खाबा ख्रिस्तानि निसाम्मिल्ले अप्पा पोःङ् फाऱआङ् पावलरे कलस्सिहाऱ सक्इङ्घङ् साप्तुआङ् हाक्तुसिरो॥ खुनेऱ कुनोगप्पिल्लेन् सेक्खाबा पाःन् अक्तङ्बा वाऱ-येसु ख्रिस्तेऱ कुलिङ्धो केगेप्पा सेन्लप् पिमा आसुक्, कर कन् वेऱस्मा साम्यो पाःन्हाऱ नु साक्थिम्हाऱरेग मनाहाऱ खुनेऱलाम् लाःत्लाःत् चोगुसिऱ॥ निङ्वाऱफुमाङ्ङिल्ले इक्सादिङ् खाम्बेःक्मान् ख्रिस्तलाम्बा चोगु हेक्क्याङ् खुनेऱलाम्बाए खेन् इक्सा खाम्बेःक्कोबा मनाहाऱ

आबाडे खुनेओ तारुसिरो ॥ हेक्क्याङ् मनाहारै सेन्लप् खोःमारै  
लागि ख्रिस्तेन्नु थिक्हुप् पोःङ्माए पोःङ्लो ॥ हेक्केलतरिक्  
पावलरै नसानिबाहारै खुनिह हिङ्मन्नो चाहाबा केजोःक्पा कन्  
निसाम्मिल्लेन् यम्बा कुबिहाह चैक्तुसिरो ॥

पावलरै साप्तुबा कन् सक्इङ्घङ्ङिन् तुखिकसेल्ले कलस्सि  
येक्यक्को तेरुआङ् वये ॥ खेन्नु सोरिक् केबेःक्पा मनाःङ्ग  
योःक्पा ओनेसिमसेन् वये ॥ बा खेन् ओनेसिमसेल्ले कुलागि  
पावलरै फिलेमोन मेप्मनाबा सक्इङ्घङ्ङिन् साप्तुआङ् हाडुआङ्  
वयेरो ॥

थामिङ्

निःसुम् १.१-८

ख्रिस्तरै कुयेप्लेक् नु कुयाःम्बक् १.९-२.१९

ख्रिस्तओ केवाहबा कुसङ् हिङ्मन् २.२०-४.६

कुनुप्पा ४.७-१८

1-2 निङ्वाहफुमाङ्ङिल्ले सेगुसिबा कलस्सि\*  
येक्यक्को केवाहबा ख्रिस्तेन्नसाःन् केजोःक्पा नसानिबासे  
निङ्वाहफुमाङ्ङिल्ले ख्रिस्त येसुरै कुसेःक्युक्मिबा पोःङ्से  
सेगाङ्बा इङ्गाह पावल नु आनिह नुसाह तिमोथिरे कन्  
सक्इङ्घङ्ङिन् हाक्कासिगेबारो ॥ आनिह पानुदिङ् पाः  
निङ्वाहफुमाङ्ङिल्ले सनारुङ् नु लुङ्गुम् केबिरिररो ॥

नोगेन् नु तुवा

\* 1:1-2 □□□□□□-□□□□□□□□□□□□ □□□□□□□□ □□□□□□ □□□□□□  
□□□□□□ □□□□□ □□□□□□□□□□ □□□□□□□□ (अक्खेःल्ले तर्कि मेमेत्तु) वयेरो ॥  
पावलरै एफिससओ सुनाइङ् हुरुसिल्ले खेप्पो एपाफ्रास मेप्मनाबा मनाथिक् वये ॥  
हेक्क्याङ् एपाफ्रासेन् कलस्सि येक्यक्को पेआङ् खेप्पोबा मनाहाह सुनाइङ् हुरुसि ॥

3 आनिगे खिनिऱ लागि तुवा चोगुम्बेल्ले आनिऱ दाडुबा येसु खिस्तरे पानुदिङ् कुम्बा निङ्वाऱफुमाङ्ङिन् सदादिङ् नोगेन् पिरुम्बेऱरो,

4 थेआङ्भेल्ले खिनिऱ खिस्त येसुःननसाःन् केजोगुम्बान्हेक्कयाङ् निङ्वाऱफुमाङ्ङिल्ले काक् सेसे कुमनाहाऱ लुङ्माऱ केदुक्तुम्सिम्बा पाःन्निन् आनिगे खेप्सुम्बेआङ् वयिगेरो ॥

5 थेआङ्भेल्ले खिनिऱ थे निङ्साङ् केजोगुम्माङ् केवयिऱ खेन् साङ्ग्राम्पेदाङ्ङो नुःरिक्काङ् याङ्घोःत्तेआङ्वाऱरो ॥ तगि खिनिऱ सेक्खाबा पाःन्जाक्किन् केघेप्सुम्माङ् केवयिल्लेसा कन् निङ्साङ्ङिल्ले कुयाःम्बेओ केघेप्सुम्माङ् केवयि ॥ खेङ्ग सुनाइङ्ङिन्नेरो ॥

6 खिनिऱ सुनाइङ्ङिन् केघेप्सुम् हेक्कयाङ् निङ्वाऱफुमाङ्ङिल्ले कुलुङ्गुम्मिन् काक् सेक्खाओ कुसिङ्केनिःत्तुम्बा येन्नाङ्धो खिनिऱ लुम्मो पोःङ्गल पप्पा हेक्केए काक् इक्सादिङ् खाम्बेःक्मो आत्तिसाङ् मनालुम्मो सुनाइङ्ङिल्ले मुऱइसाम् तारुर पोःर पत्तो ॥

7 खेन् पाःन्निन् आनिगेनु सोरिक्माङ्सेवा याःम्बक् केजोःक्पा इपाफ्रासलाम् केहुऱआसिआङ् केवयिऱरो ॥ खुनेऱग लुङ्माऱ तुक्तुम्बेबा आनिगे लेक्वा खिनिऱ लुम्मो खिस्तरे कुनसाःन्साबा माङ्सेवा केजोःक्पारो ॥

8 सेसेमाङ्ङिल्ले खिनिऱ वेऱहाऱ लुङ्माऱ केदुक्पा केजोगिबा पाःन्निन् खुनेऱ याप्पि चेक्तेरो ॥

9 खेल्ले चोगुल्ले खिनिऱ याःम्बेओ आनिगे खेप्सुम्बेआङ्धोए खिनिऱ लागि चक्मेल्लऱए तुवा चोगुम्बेरो ॥ सिक्कुम्दिङ् निङ्वाऱ नु इःत्छिङ्सांम्लाम् निङ्वाऱफुमाङ्ङिल्ले साम्जिक्गेन् कुनिङ्वाऱइल्ले खिनिऱ केधिम्सिर फाऱआङ् तुवा चोगुम्बेरो ॥

10 हेक्कयाङ् दाडुबा येसुःन् लाऱरुबा हिङ्मन्नो सुम्बोधासाबा केबोःक्खिर, हेक्केलऱरिक् काक् परिक्ले खुनेऱ कुनिङ्वाऱ

केदाःसुम्ल हेक्क्याङ् निङ्वाऱफुमाङ्ङिन् आल्लसाङ्  
 नुःरिक्काङ् कुसिङ्ङिनिःप्मा केसुक्तुम्माङ् काक् नुःबा  
 याःम्बक्किल्ले निङ्वाऱफुमाङ्ङिल्ले कुनिङ्वाऱ केदाःसुम्ल  
 फाऱआङ् आनिगे तुवा चोगुम्बेरो ॥

11 खुनेऱ कुमिमिदिङ्गेन् कुमुक्साम्लाम्बा खिनिऱ केधुम्बा  
 केबोःक्खिर फाऱआङ् आनिगे तुवा चोगुम्बे, हेक्केलऱरिक्  
 खिनिऱ चाहाबा केजोगिबा काक् निङ्वाऱ हाङ्गेम्सिङ्मान् नु  
 नासि थःप्मान् केघोःसुम्लरो ॥ हेक्क्याङ् सःप्मेल्ले कुधिम्  
 केबोःक्खिररो,

12 हेक्क्याङ् सदादिङ् पानुदिङ् पाः निङ्वाऱफुमाङ्ङिन् नोगेन्  
 पिमा पोःङ्, खुनेऱए निङ्वाऱफुहाङ्जुम्लेन् ओःत्तिओ केवाऱबा  
 ख्रिस्तेऱ कुसेसे मनाहाऱरे मेघोःसुबा लक् केघोःबा आजोगेऱआङ्  
 आवाऱरो ॥

13 थेऱआङ्भेल्ले खुनेऱए माक्किगेन् खादाम्माल्लेन् हाङ्जुम्लाम्  
 आसेःप्तेऱआङ् आबुगेन् कुमिःम् कुस्साःल्ले कुहाङ्जुम्मो आनिऱ  
 आदाःरेऱआङ् वाऱरो ॥

14 निङ्वाऱफुसाःलाम् आनिऱ चोःक्युम्भो आबिरे, हेक्क्याङ्  
 काक् आनिऱ आजोगुम्बा लायोहाऱ लेप्मि आबिरेरो ॥

ख्रिस्तेन्काक्नुःल्ले यम्बा

15 ख्रिस्तेन्मेन्नि मेन्धाःप् निङ्वाऱफुमाङ्ङिल्ले कुइःत्लो ॥  
 निङ्वाऱफुमाङ्ङिल्ले काक् पाःन्हाऱ चोःक्मानुःल्ले तगिए खुनेऱ  
 वये, हेक्क्याङ् खुनेऱए काक् नावागेन् चइःत् सम्दाङ् युक्साबा  
 चोःक्लो ॥

16 ख्रिस्तलाम् साङ्ग्राम्पेदाङ् नु इक्सादिङ् खाम्बेःक्मोबा  
 काक् नावागेन् चइःत् नेस्सुबारो ॥ खुनेऱग निगेधाःप्पा नु  
 निमेन्धाःप्मना पाःन्हाऱ, हाङ्हाऱ नु हाङ्जुम्हाऱ, हाङ्गेजोःक्पाहाऱ

नु युक्साबाहाऱ्आङ् चोगुसिबारो ॥ काक् पाःन्हाऱरेन् नावागेन्  
चडःत्तिन् ख्रिस्तलाम् नु ख्रिस्तरै कुलागिए पोःक्खेबारो ॥

17 निङ्वाऱफुमाङ्डिल्ले नावागेन् चडःत् नेमानुःल्ले तगिए खुनेऱ  
वये, हेक्क्याङ् खुनेऱओ काक् पाःन्हाऱ सोसोरिक् हुप्सिङ्डाङ्  
पत्तो ॥

18 हेक्क्याङ् खुनेऱ नासिङ्गेन् कुधक्किन् सेसेहुप्लक्लो, खेन्  
सेसेहुप्लक्किल्ले कुधेगेःक्पाङ्ग खुनेऱएरो ॥ खुनेऱग तोलिङ्गसोमु,  
हेक्क्याङ् सिःमेन्लाम् याम्मो केहिङ्बा काक्को तुम्बारो,  
हेक्केलऱरिक्के खुनेऱ काक् सम्दाङ् युक्साबा चोःक्लो ॥

19 थेआङ्भेल्ले निङ्वाऱफुमाङ्डिल्ले काक् कुलिङ्धो केप्मान्  
येसु ख्रिस्तओ नेमा कुसिराऱ थाडैरो ॥

20 हेक्क्याङ् निङ्वाऱफुमाङ्डिल्ले सिलाम्साक्मा सिङ्सम्दाङ्  
येसुरे कुमाक्खिऱइन् वादेःन्दुबाओलाम्बा आबाडेलगि सनारुङ्  
चोगुआङ् इक्सादिङ् खाम्बेःक् नु ताङ्साक्पोबा केरेक् पाःन्हाऱ  
याम्मो आबाडे खुनेऱओ नादङ् चोगुआङ् नुःक्तु तारुरो ॥

21 पेबा येम्मो खिनिऱ फेन् याःम्बक्किल्ले चोगुल्ले खिनिऱ  
निङ्वाऱओ निङ्वाऱफुमाङ्डिल्ले कुनिङ्मि केबोःक्खिआङ्  
केवयिरो ॥ खिनिऱ खुनेऱलाम्बा केसेन्दिआङ् माःङ्घा केवयिरो ॥

22 कर आल्लोग निङ्वाऱफुमाङ्डिल्ले आबाडे कुदगि  
सेसेसाङ्साङ् नु आप्तिक्मेःन्नेबा चोःक्मासि फाऱआङ् येसु  
ख्रिस्तरै कुसिलाम्साक्मा सिङ्सम्दाङ्बा कुसिःमेन्लाम्बा  
नादङ्डो केदाःरिआङ् वाऱरो ॥

23 कर खिनिऱ केघेप्सुम्बा सुनाइङ्डिल्ले निङ्साङ्डो मेम्मुन्ने  
नु ताप्पेम्बेऱए हेक्क्याङ् चक्मेल्लऱए नसाःन् चोःक्माए पोःङ्लो ॥  
हाबा कन् सुनाइङ्डिन् इक्सादिङ् खाम्बेःक्मोबा काक् मेन्छाम्  
सुवाङ्हाऱओ इङ्मेभोःसुआङ् वाऱ, हेक्क्याङ् खेन् सुनाइङ्डिन्  
इङ्भोःमा फाऱआङ् इङ्गाऱ पावलेन् निङ्वाऱफुमाङ्डिल्ले

कुसेवारोबा पोःक्खाङ्गलो ॥

पावलरे सेसेहुप्लक्किल्ले लागि चोगुबा याम्बुधिक्

24 येसु ख्रिस्तेरे नासिङ्गेन् कुधक्किङ्ग सेसेहुप्लक्को, खेल्ले चोगुल्ले इङ्गाङ्ग खिनिङ्ग लागि इनोगेन् तुक्खेहाङ्ग नासिङ्गेन् आधक्को थम्मा सःत्तारो ॥ थम्मा केबोःङ्बा ख्रिस्तेरे इनोगेन् कुदुक्खेहाङ्ग इङ्गाङ्ग थरुङ्गलो ॥

25 इङ्गाङ्ग सेसेहुप्लक्केन् सेवारोबा पोःक्खाङ्गलो, थेआङ्गभेल्ले निङ्वाङ्गफु पाःन्जाक्किन् काक् कुधिम्मो खिनिङ्गओ इङ्गभोःसे निङ्वाङ्गफुमाङ्गडिल्ले इङ्गाङ्ग सेःक्युक् चोगाङ्गडाङ्ग वाङ्गआरो

26 कन् सिबिङ्ग पाःन्हाङ्ग उनाहुरिआङ्गधो पेबा मेन्छाम् थाःक्खाङ्गओ चिक्खुआङ्गवये, कर आल्लो निङ्वाङ्गफुमाङ्गडिल्ले सेसे कुमनाहाङ्ग ओःन्धाक्कुसिआङ्ग वाङ्गरो ॥

27 निङ्वाङ्गफुमाङ्गडिल्ले कुमनाहाङ्ग कुमिमिदिङ्गेन् इमेल्लुङ्गबा सिबिङ्ग पाःन्निन् थिम्मन्दाङ्ग सुवाङ्गहाङ्ग ओसेःन्दाङ्ग चोःक्का खुनेङ्ग कुसिराङ्ग थाङ्गेआङ्ग वाङ्गरो ॥ ख्रिस्तेन्खिनिङ्गओ वाङ्गबान्ने सिबिङ्ग पाःन्लो, खेल्ले चोगुल्ले केदाःबा कुमिमिदिङ्गेन् लक्किन् खिनिङ्ग केघोःसुम्लो ॥

28 खेल्ले चोगुल्ले आत्ति पिङ्गिङ्गसाङ्ग काक् मनाहाङ्ग ख्रिस्तेरे कुयाःम्बेओ इङ्गभोःसुम्मिसम्बेङ्गरो ॥ खेङ्गहाङ्ग निङ्वाङ्गफुमाङ्गडिल्ले पिङ्गिङ्गबा काक् सिक्कुम्मिल्ले साम्दिङ्ग नु खाहुन् पिरुम्मिसम्बेङ्ग, थेआङ्गभेल्ले ख्रिस्तेन्नु थिक्हुप् पोःङ्गमान् कुलिङ्गधो केत्तल लङ्गरेक् निङ्वाङ्गफुमाङ्गडो काक् मेन्छाम् याप्पिहाङ्ग तोःम्मासि आनिङ्गे निङ्वाङ्ग कत्तुम्बेरो ॥

29 कन् याःम्बक्को ख्रिस्तेरे पिराङ्गबा आसिगाङ्ग याःम्बक् केजोःक्का पयम् यम्बा मुक्कसाम्लाम् याम्बुधिक्काङ्ग स्याङ्गमेन्दाङ्ग पत्तारो ॥

## 2

1 खिनिऱ नु लाओदिकिया पाङ्जुम्बा सेसेहुप्लक् हेक्क्याङ् वेऱ याप्मि मेन्दुम्मे केवाऱबा केरेक् फुऱनुसाऱहाऱरे लागि स्याङ्मेन्दाङ् याःम्बक् चोगुङ्डाङ् वाऱआ केलाऱबान् कुसिङ् निःत्तेम्मेऱ फाऱआङ् निङ्वाऱ चोगुङ्लो ॥

2 खिनिऱ केरेक्ले सिक्लुङ्मो हाङ्हाङ् केबोःक्खिआङ् खिनिऱ लुङ्माऱ तुक्सिङ्मो थिक्हुप् केबोःक्खिर केलाऱबा आनिङ्वाऱ वाऱरो, हेक्केलाऱरिक् खिनिऱ केरेक्ले कुलिङ्धो इःत्छिङ्साम् केघोःसुम्माङ् निङ्वाऱफुमाङ्डिल्ले कुसिबिऱ पाःन्निन् कुसिङ्केनिःत्तुम्लो ॥ खेन् कुसिबिऱ पाःन्निङ्ग खिस्तेन्नेरो ॥

3 खुनेऱए काक् सिक्कुम्दिङ् निङ्वाऱ नु साम्जिक् निङ्वाऱरे कुबुन्लो ॥

4 आत्तिन्हाऱरेआङ् कुघेम्गेनुऱबा पाःन्हाऱलाम् इङ्गेमेल्लेक्त्तिन्ल फाऱआङ् अक्खे मेत्तिङ्बारो ॥

5 थेआङ्भेल्ले इङ्गाऱग खिनिऱनु माःङ्घा वाऱआसाङ् आनिङ्वाऱङ्खिनिऱनु सोरिक्के वाऱरो ॥ हेक्क्याङ् हिङ्मा केबोःङ्बा हिङ्मन्नो केहिङ्डिबा नु खिस्तोबा नसाःन्नो यो-धो मेल्लए केवयिबा खेप्सुङ्डाङ् साऱरिक्सःत्तारो ॥

### चक्मेल्लए खिस्तोओ हिङ्मा

6 हेक्केःल्ले आक्खेलाऱरिक् खिस्त येसु दाङ्बेन् नसाःन् केजोगुम् हेक्केलाऱरिक्के खुनेऱनु थिक्हुप् पोःक्खेम्मेऱआङ् चक्मेल्लए हिङ्मेऱओ ॥

7 खुनेऱओ, केहुऱआसिबा निसाम्मो, साःप् लेःत्तेम्मेऱआङ् पोःरेम्मेऱ, नसाःन्नो केधुम्बा पोःक्खेम्मेऱर दाङ्बान् सदादिङ् नोगेन् पिरेम्मेऱओ ॥

8 सिङ्सिङ् लऱरेम्मेऱओ, मेःङ्ग्र मेन्छाम् याप्मिरे मेजोगुबा कुघेम्गेनुऱबा इङ्लेक्पा निसाम्हाऱरे केयुक्तिऱरो ॥ खेन् निसाम्हाऱग ख्रिस्तलाम् मेःन्, कर मेन्छाम्थाःक्लाम् केयुःबा थिम् नु इक्सादिङ् खाम्बेःक्मोबा कुहेःक्सिङ्मोबा हनेबा खाहुन्लाम् केदाःबारक्लो ॥

9 थेआङ्भेल्ले ख्रिस्तओरक् निङ्वाऱफुमाङ्डिन् नासिङ्गेन् थक्को कुलिङ्धो केत्लो ॥

10 हेक्क्याङ् खुनेऱओए खिनिऱ कुलिङ्धो केप्मान् केघोःसुम्माङ् वाऱरो ॥ खुनेऱग काक् मुक्साम् नु युक् सम्दाङ् युक्साबारो ॥

11 हर्दो हेक्माल्ले नासिङ्गेन् थक्लाम् नेक्सा सेम्बेःक्पा कुइसिःक् ख्रिस्तरे कुहर्दो हेक्माल्ले खिनिऱ लायो चोःक्मा निङ्वाऱइन्सेन्दुदेऱरुआङ् वाऱरो ॥ कङ्ग मेन्छाम् हुक्कोलाम् पोःक्खेबा मेःन्, कर ख्रिस्तलाम् पोःक्खेबारो ॥

12 बप्तिस्मा केबोःक्खिल्ले ख्रिस्तेन्नु सोरिक् केहुमि, हेक्क्याङ् निङ्वाऱफुमाङ्डिल्ले खुनेऱ कुसिवेत्लाम् कुहिङ्वेत्चोगुबा मुक्साम्मो खिनिऱ नसाःन् केजोगुम्बाल्ले चोगुल्ले खुनेऱनु सोरिक् केहिङ्डिआङ् केवयिऱरो ॥

13 खिनिऱग लायोबा नु निङ्वाऱफुमाङ्डिल्ले कुमना केहोःप्तिबाल्ले चोगुल्ले खिनिऱ याम्साम्मो कुसिवेत् केवयि, कर आल्लोग निङ्वाऱफुमाङ्डिल्ले कुहिङ्वेत्केजोगिआङ् केवयिऱरो ॥ खुनेऱ आनिऱ काक् लायोहाऱ लेप्मि आबिरेआङ् वाऱ ॥

14 हेक्क्याङ् निङ्वाऱफुमाङ्डिल्ले आनिऱ तक्लेङ्वाओ केबप्पा आप्तिक् सक्हाऱ थेःक्खुदेःसुआङ् खुनेऱ खेन् केरेक् सिलाम्साक्मा सिङ्सम्दाङ् खिप्सुआङ् खेतुदेःसुरो ॥

15 हेक्केलऱरिक्के निङ्वाऱफुमाङ्डिल्ले फेन्साम्हाऱरे खुनिऱ मुक्साम्हाऱ नु युक्हाऱ नाप्तुसिआङ् ख्रिस्तरे कुसिलाम्साक्मा



सिङ्खो थङ् नाःन्दुसि, हेक्केलरिक्के केरेक्के मेनिःसुर खेङ्हाऱे खुनिऱ नाधाःसु पिरुसिरो ॥

16 खेल्ले चोगुल्ले आत्तिन्हाऱेआङ् साम्यो तङ्नाम्, लासिबा ससाङ्सोःत्, नाःम्सिङ्गेन्नु नु चामनाबा थुङ्मनाबा पाःन्हाऱओ आप्तिक् केमेन्गुःत्तिन्लरो ॥

17 कन् पाःन्हाऱग केदाःबा पाःन्हाऱेन् साम्मिःप्पारक् वयेरो, कर सेक्खा पाःन्निङ्ग ख्रिस्तरो ॥

18 आनिगे सुफो निःम्मना लरिक् केबाःप्पार, निगेदेप्पा पाःन्नोरक् चुङ्जिगेन् नःमनःम्बा ओसेःन्धाक्सिङ्मा कुसिराऱ केधाङ्बा हेक्क्याङ् माङ्लाङ्बाहाऱ सेवा केजोःक्पाहाऱआङ् मेवाऱरो ॥ खेङ्हाऱे हाङ्सेम् मेङ्घोःमनाबा केमेन्जोगिन्लरो ॥ कङ्हाऱग थेनाधे लायोबा निङ्वाऱओ आङ्दिङ् मेलऱरो ॥

19 कर खेङ्हाऱे खुनिऱ नासिङ्गेन् थक्किल्ले कुधेगेःक् येसु ख्रिस्तेन्नु थेआङ् तङ्जुम् होःप्लो ॥ कङ्ग खुनेऱलाम्बा नासिङ्गेन् थक्केन् काक् याम्लक्किल्ले कम्बाङ् खोःसुऱ हेक्क्याङ् थिक्हुप् पोःङ्डाङ् निङ्वाऱफुमाङ्डिल्ले कुनिङ्वाऱ हेक्के पोःर पेःक्लो ॥

20-21 खिनिऱ ख्रिस्तेन्नु सोरिक् केस्येऱडबारो, हेक्क्याङ् खुनेऱए इक्सादिङ् खाम्बेःक् कुहेःक्सिङ्माआङ्धोबा हनेबा खाहुन्लाम् चोःक्युम्भो केबिरिआङ् वाऱरो ॥ हेक्केःल्ले कन् ओगप् मेजोगेन्नेऱ, खेन् मेसाऱेन्नेऱ, हेक्क्याङ् मेसुसेन्नेऱ केलऱबा इक्साबा थिम्हाऱ थेआङ् केइःत्तुम् केनाःत्तुबाबे?

22 कन् पाःन्हाऱग ओगप् चोःक्माआङ् माबेःक्लो, थेआङ्भेल्ले कङ्हाऱग मेन्छाम् याप्मिहाऱे मेयुक्खुबा निसाम् नु थिम्हाऱरक्लो ॥

23 खेन् हेक्क्याङ्बा थिम्हाऱग साम्योबा याःम्बक् चोःक्मा, चुङ्जिगेन् नःमनःम्बा लेङ्सिङ्मा नु नासिङ्गेन् थक्को तुक्खे चाःत्तिङ्मा सिक्कुम्दिङ् निङ्वाऱ हेक्के लऱ, कर कल्ले नासिङ्गेन् थक्कोबा नोसङ्डिल्लेन् फेन् निङ्वाऱइन्नुक्मा

मेसुकुतुन्लो ॥

### 3

ख्रिस्तओ कुसङ् हिङ्मन्

1 खेल्ले चोगुल्ले निङ्वाङ्फुमाङ्ङिल्ले खिनिङ् ख्रिस्तेन्नुए कुहिङ्वेत् केजोगिआङ् केवयिबाल्ले चोगुल्ले खिनिङ् साङ्ग्राम्पेदाङ्ङोबा पाःन्हाङ् कोःत्तेम्मेङ् वयेम्मेङ्ओ ॥ खेतथोए निङ्वाङ्फुमाङ्ङिल्ले कुजुप्साङ् लेप्साङ् मिङ्सो इङ्धाःङ्नु मुक्साम्देन्नो ख्रिस्तेन्नुयुक्खुआङ् युङ्लो ॥

2 कप्पो इक्सादिङ् खाम्बेःकमोबा पाःन्हाङ् रक् मेङ्ःत्तेम्मिन्नेङ्ओ, कर साङ्ग्राम्पेदाङ्ङोबा पाःन्हाङ्ओ निङ्वाङ् पिरेम्मेङ्ओ ॥

3 थेआङ्भेल्ले ख्रिस्तेन्स्येःल्ले खिनिङ्आङ् खुनेङ्नुए केस्येङ्ङआङ् केवयिङ्गे, हेक्कयाङ् खिनिङ् सेक्खाबा नेत्तिगेन् हिङ्मन्निन् ख्रिस्तेन्नु निङ्वाङ्फुमाङ्ङो चिक्खेआङ् वाङ्गे ॥

4 खिनिङ् सेक्खाबा नेत्तिगेन् हिङ्मन्निङ्ग ख्रिस्तरो ॥ खुनेङ् इक्सादिङ् खाम्बेःकमो थाःम्मिङ्ङिल्ले खिनिङ्आङ् खुनेङ्नुए मिमिदिङ्ङो केधाःम्मासिरो ॥

5 खेल्ले चोगुल्ले मेन्छुमाङ् नु येम्बित्छाङ्हाङ् चाराम्मा पाःन्निन्, चिःन्जिन्बा केजोःक्पा याःम्बक्, चाराम्मा निङ्वाङ् चोःक्मान्, फेन् याःम्बक् चोःक्मान् नु खिःम्यक् चोःक्मान् हेक्तङ्बा नासिङ्गेन् थक्कोबा नोसङ्गेन् येप्पेक्हाङ्ग नावाइत्लाःन् माङ्घःमनाबारो ॥ खिनिङ् खेन् काक् युक्तेम्मेङ्ओ ॥

6 थेआङ्भेल्ले अक्तङ्बा याःम्बक् केजोःक्पाहाङ् सम्दाङ् निङ्वाङ्फुमाङ्ङिल्ले कुसाक्केन्निन् चुक्लो ॥

7 उन्छोःन्बा खिनिङ् हिङ्मन्नो बा अक्तङ्बा पाःन्हाङ् केजोःक्पा केवयिरो ॥

8 कर आल्लोग खिनिऱआड् सिक् पोःक्मान्, साक्केन्निन्, नाहेम्मान्, हिनाःम् मेत्छिड्मान्, मेन्छिक्क्रा पाःन्हाऱ काक् लेप्मा तेःमाए पोःड्लो ॥

9 खिनिऱ इड्लेक् मेमेत्तासिम्मिन्नेऱओ, थेआड्भेल्ले खेड्ग तगिबा लायोबा सुत्नाःन् नु ताप्फेःम्बा येप्लेक्हाऱ काक् केलेरुम् केदेःसुम्माड् केवयिऱ,

10 हेक्क्याड् खिनिऱग कुसड् सुत्नाःन् तेःत् हेक्के केजाक्खुम्माड् केवयिऱरो ॥ खिनिऱग नावागेन् चड्ऱत्दाड्बा निड्वाऱफुमाड्डिन् कुसिड् केनिःत्तुम्माड् खुनेऱ कुड्ऱत् हेक्के केबोःक्खिऱ केबत्छिरो ॥

11 आल्ल थिम्मिन्दड् सुवाड् नु यहुदि, हर्दो केहेक्पा नु हर्दो मेन्हेक्मनाबा, खासिड् केनिःप्पा नु खासिड् मेन्निःप्पनाबा, योःक् नु चोःक्युम्भोबाहाऱ सेन्छिड्मा होःप्लो, कर ख्रिस्तेनलक् केयेक्पा चोःक्, हेक्क्याड् खुनेऱ काक् पाःन्हाऱओए वाऱरो ॥

12 हेक्केःल्ले निड्वाऱफुमाड्डिल्ले सेगुसिबा मनाहाऱ, सेसे नु साऱरिक् लुड्माऱ तुक्तुसिबाहाऱरे, लुड्दुक्किन्, लुड्माऱ तुक्सिड्मान्, नोनिड्वाऱइन्, चुड्जिगेन् नःम्मःम् लऱमान्नु नासि थःप्मान् चाड् कुइसिःक् चाक्सिड्मा पोःड्लो ॥

13 खिनिऱग वेऱहाऱनु नासि थःत्छिड्मा पोःड्डाड् निड्वाऱ तुक्मा पाःन्हाऱ वाऱसाड् लेप्मि पिआसिम्मेऱओ ॥ दाड्बाल्ले लेप्मि केबिरिबा कुइसिःक्के लेप्मि पिआसिम्मेऱओ ॥

14 हेक्क्याड् कन् केरेक्नुःल्ले यरिक्लुड्माऱ तुक्कासिम्मेऱओ ॥ खेल्लेए खिनिऱ थिक्हुप् पोःड्मा कुलिड्धो केगेत्तिऱरो ॥

15 हाराऱ ख्रिस्तेरे कुसनारुड्डिल्ले खिनिऱ सिक्लुड्मान् युक्तुरो, थेआड्भेल्ले सनारुड्डो वाऱमा फाऱआड् खिनिऱग लत्थिक् नासिड्गेन् थक्को उःत्छिड्मा केघोःसुम्माड् केवयिऱरो ॥ खिनिऱ नोगेन्साबा पोःक्खेम्मेऱओ ॥

16 हाराऱ ख्रिस्तरे कुबाःन्जाक्किल्ले खिनिऱ सिक्कुलुड्मान् तिम्माड्वाऱररो ॥ खिनिऱ बा कन् पाःन्जाक्किल्ले हुऱआसिम्मेऱ, हेक्क्याड् काक् सिक्कुम्दिड् निड्वाऱओ सुजा पिआसिम्मेऱओ ॥ हेक्क्याड् सेवा चोःक्मा साम्लोहाऱ, याम्साग्नेन्साम्लोहाऱ नु सेसेमाड्लाम् केदाःबा साम्लोहाऱ साम्गेमेत्तुम्मिल्ले खिनिऱ सिक्कुलुड्मोनुए निड्वाऱफुमाड्डिन् नोगेन् पिरेम्मेऱओ ॥

17 खिनिऱ च्या केबाःत्तुम्साड् च्या केजोगुम्साड् दाड्बा येसुरे कुमिड्डो चोगेम्मेऱओ, हेक्क्याड् खुनेऱलाम्बाए पानुदिड् पाः निड्वाऱफुमाड्डिन् नोगेन् पिरेम्मेऱओ ॥

### नसानिबा हिम्सयड्थिम्

18 मेलिड्गेन् मेःत्छे, खिनिऱ इत्थुड्गेन् येम्बाहाऱरे खुनिऱ युक्को वयेम्मेऱओ ॥ अक्खे चोःक्माग दाड्बाओ लाऱरुरो ॥

19 हेक्क्याड् इत्थुड्गेन् येम्बाऱसे, खिनिऱ मेलिड्गेन् मेःत्हाऱ ताप्फेःल्लिक् मेमेत्तेम्मिम्मिन्नेऱ कर लुड्माऱ तुक्तेम्मिम्मेऱओ ॥

20 हिन्जाऱबित्छासे, खिनिऱ पाः माहाऱरे मुरा केम्मेत्तिबा पाःन्निन् आफ्फाल्लेसाड् खेप्सेम्मेऱ, थेआड्भेल्ले कन् पाःन्लिल्ले दाड्बाल्ले कुनिड्वाऱ तासुऱरो ॥

21 पानुदिड् पाःसे, खिनिऱ हिन्जाऱबित्छाहाऱरे खुनिऱ निड्वाऱ मेदुक्खेम् मेबिरेम्मिम्मिन्नेऱओ, मेःन्ने फाऱग्र खुनिऱ निड्वाऱ पड्सिड्लो ॥

22 सेवारोबासे, इक्साबा खिनिऱ दाड्बाहाऱरे खुनिऱ केरेक् पाःन् केघेम्बा पोःक्खेम्मेऱओ ॥ कड्ग खेड्हाऱरे मेनिःसुल्ले खुनिऱ निड्वाऱ ताःमा पिमासिरे लागिरक् मेःन्, कर काक् कुदोःप्मा निड्वाऱइन्नु दाड्बा येसुरे कुमिड्डो कुधाःड्सोरे लागि चोगेम्मेऱओ ॥

23 खिनिऱ च्या केजोगुम्साड् मनारे लागि मेःन्, कर दाड्बाल्ले कुलागि चोःक्मनाबा कुड्डिसिःक् निड्वाऱ पिरेम्मेऱरे चोगेम्मेऱओ ॥

24 थेआड्भेल्ले हाड्सेम् कुइसिःक् दाड्बाल्ले पिनिड् केमेत्तिबा लक्किन् खोःसुम्बेक् केलऱबान् केनिःसुम्माड् केवयिऱरो ॥ खिनिऱ दाड्बा ख्रिस्तेन्सेवा केजोगुम्ल केवयिऱरो ॥

25 ताप्फेःम्बा याःम्बक् केजोःक्पाल्ले केसाक्पा खुम्दिड्खोःसुऱरो ॥ खेप्मोग मना एःक्पएःक् चोःकमान् थेआड् मेबोःड्नेल्लो ॥

## 4

1 सेवारोबाल्ले कुन्दाड्बासे, खिनिऱ सेवारोबाहाऱ नुःरिक् मेत्तेम्सिम्मेऱओ, थेआड्भेल्ले साड्ग्राम्पेदाड्डो खिनिऱआड् दाड्बाधिक् केगत्तुम् केलऱबा पाःन्निन् निड्वाऱ मेभेःत्छेम्मिन्नेऱओ ॥

2 चक्मेल्लऱए निड्वाऱफुमाड्डिन् नोगेन् पिरेम्मेऱर सिड्सिड् येक्येक्काड् तुवा चोगेम्मेऱओ ॥

3 ख्रिस्तरे कुसुनाइड् इड्भोःसे निड्वाऱफुमाड्डिल्ले लाम् हन्दु पिरिगेऱ फाऱआड् आनिगे लागिआड् तुवा आजोगेम् आबिरेम्मेऱओ ॥ बा खेन् पाःन्निन् इड्भोःसुड्बाल्ले चोगुल्ले इड्गाऱग कन् पुड्लाहिम्मो साक्पा थ्याड्डाड् वाऱआरो ॥

4 इड्गाऱ पाःप्मा केबोःड्बा कन् पाःन्हाऱ नुःरिक्काड् इड्भोःमा सुक्तुड्ल फाऱआड् तुवा आजोगेम् आबिरेम्मेऱओ ॥

5 खिनिऱग सिक्कुम्साबा पोःक्खेम्मेऱआड् ख्रिस्तानि मेःम्बाहाऱनु वयेम्मेऱओ, हेक्कयाड् येसुरे कयाःम्बेओ खुनिऱनु इड्भोःमा काक् सुयेम्हाऱ नुःरिक्काड् ओगप् चोगेम्मेऱओ ॥

6 हाराऱ युम्मिल्ले कुजाःन् कुजागेनुऱबा चोगुबा कुइसिःक् खिनिऱ पाःन्छेःक्वाःन् लुड्गुम् कुधिम्बा नु कुधेम् केनुऱबा पोःड्लरो, हेक्केलऱरिक् वेऱहाऱ केरेक् नुःबा नोगप् पिमा केसुक्तुम्सिम्लो ॥

## कुनुप्पा सेवा

7 तुखिकसरे इङ्गात् आयाःम्बेओबा इङ्घङ्ङिन् खिनिः केजेक्तिर्रो ॥ खुनेःग आनिः लुङ्मात् आदुक्तुम्बा नसानिबा नुसात् नु नसाःन्साबा माङ्सेवा केजोःक्पा हेक्क्याङ् दाङ्बाओ सेवारोबा चुम्लो ॥

8 कप्पोबा काक् आनिगे पाःन्हात् खिनिः केजेक्तिर फाःआङ् खुनेः खिनिःओ पाङ्घुङ्गल पत्तारो ॥ हेक्क्याङ् खुनेःए हाङ्हाङ् केजोगिर्रो,

9 खुनेः खिनिःनुएबा थिक्पा ओनेसिमसेन्नु फेन्ल पत्लो ॥ खुनेः नसाःन्साबा नु आनिः लुङ्मात् आदुक्तुम्बा नुसात्तरो ॥ खेङ्हाःरे कप्पो केबोःङ्बार केबप्पा काक् पाःन्हात् खिनिःनु चेङ्सुरो ॥

10 अरिस्तार्खसेन् इङ्गात्नु सोरिक् पुङ्गलाहिम्मो साक्तेआङ् वारो ॥ खुनेःनु बरनाबासरे कुल्लाम्सा मर्कुसरे सेवा केहाक्तिर्रो ॥ मर्कुसरे कुयाःम्बेओ तगिसा ओःन्धाक् चोःक्विङ्ङाङ् वारआ ॥ खिनिःओ लःन्निल्ले लाङ्दाःक्मा पिरेम्मेःओ ॥

11 युस्तस मेप्पनाबा येसुरेआङ्सेवा केहाक्तिआङ्वारो ॥ निङ्वाःफुहाङ्जुम्मो इङ्गात्नु सोरिक् याःम्बक् केजोःक्पाहाःओ खेङ्हाःरक् यहुदि नसानिबासिरो ॥ कङ्हाःरे इङ्गात् आनिङ्वाःओ हाङ्हाङ् मेमेत्ताङ्ङाङ् वारो ॥

12 खिनिःनुएबा थिक्पा ख्रिस्त येसुरे कुसेवारोबा इपाफ्रासरे खिनिः सेवा केहाक्तिर्रो ॥ खुनेःग खिनिःलागि निङ्वाःफुमाङ्ङिल्ले केधुम्बा नु कुलिङ्धो केगेप्पा हेक्क्याङ् काक् निङ्वाःफु निङ्वाःओ ताःक्पोगेम्बा केजोगिर फाःआङ् सदादिङ् साःरिक् तुवा चोगुरो ॥

13 इङ्गात् सेक्खा पाःन् मेत्तिङ्, खिनिः नु लाओदिक्रिया हेक्क्याङ् हैरापोलिस येक्क्यक्कोबा ख्रिस्तानिहाःरे लागि याम्बुधक्काङ् खुनेः याःम्बक् चोगुआङ् वारो ॥

14 आनिगे मिःम् चुम् सिदाऱसाम्बा लुका नु देमासरेआङ् सेवा हाङ्सुरो ॥

15 लाओदिकियाबा नसानिबाहाऱ हेक्क्याङ्तुतुगेम्मा नुम्फास नु कुहिम्मो केजुम्बा सेसेहुप्लक्कोबा नसानिबाहाऱओ सेवा तोःन्देम् आबिरेम्मेऱओ ॥

16 कन् सक्इङ्घङ्ङिन् खिनिऱओ निःत् चुःत्ताङ् लाओदिकियाबा सेसेहुप्लक्कोबाहाऱरेआङ् मेनिःरुर फाऱआङ् पिरेम्सिम्मेऱओ, हेक्क्याङ् खेङ्हाऱ हाक्तुङ्सिङ्बा सक्इङ्घङ्ङिन् खिनिऱआङ्निःरेम्मेऱओ ॥

17 अखिपसेन् दाङ्बाल्ले केबिरेबा याःम्बक्किन् चक्मेल्लऱए चोगेसुरेऱओ लऱरिक् मेत्तेम् आबिरेम्मेऱओ ॥

18 इङ्गाऱ पावलरे कन् सेवाःन् आबाडे आहुक्किल्ले साप्तुङ्ङाङ् वाऱआरो ॥ हेक्क्याङ् इङ्गाऱ पुङ्लाहिम्मो याक्काबा पाःन्निन् निङ्वाऱ इःतेम्मेऱओ ॥ हाराऱ निङ्वाऱफुमाङ्ङिल्ले कुलुङ्गुम्मिन् खिनिऱनु वाऱररो ॥

**Yesu khristarε kunisaam**  
**New Testament in Limbu (NP:lif:Limbu)**

copyright © 2009 Wycliffe Bible Translators, Inc.

Language: Limbu

Translation by: Wycliffe Bible Translators, Inc.

Limbu (Devanagari)

Annapurna SIL script necessary to read

lim

Nepal

**Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789937217637

**The New Testament**

in Limbu

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.



You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files dated 29 Jan 2022

1f7c9586-188f-5463-80d8-d2bbafbcfacf